

GARIS PANDUAN SILAT MENURUT ISLAM

JABATAN KEMAJUAN ISLAM MALAYSIA

Cetakan Pertama 1997
Cetakan Kedua 1999
Cetakan Ketiga 2008
© Jabatan Kemajuan Islam Malaysia
<http://www.islam.gov.my>

Hak Cipta Terpelihara. Tidak dibenarkan mengeluarkan mana-mana bahagian kandungan buku ini dalam apa jua cara sekalipun sama ada secara elektronik, fotokopi, mekanik, rakaman atau apa cara lain sebelum mendapat izin bertulis daripada Ketua Pengarah, Jabatan Kemajuan Islam Malaysia.

Perpustakaan Negara Malaysia Data Pengkatalogan-dalam-Penerbitan.

Garis panduan silat menurut Islam.

ISBN 983-042-072-8

1. Silat 2. Martial arts--Religious aspects--Islam.

1. Malaysia. Jabatan Kemajuan Islam. Bahagian Penyelidikan Islam 796.8

Rekabentuk:

FM SECURITY PRINTER SDN. BHD.
Wisma FM Holdings, No 10 Persiaran 65C,
Pekeliling Business Centre, Jalan Pahang Barat,
53300 Kuala Lumpur.

Dicetak Oleh:

FM SECURITY PRINTER SDN. BHD.
Wisma FM Holdings, No 10 Persiaran 65C,
Pekeliling Business Centre, Jalan Pahang Barat,
53300 Kuala Lumpur.

KANDUNGAN

	Mukasurat
Kata Pengantar	iv
1. Tujuan	1
2. Pendahuluan	1
3. Garis Pendahuluan Silat Dan Seni Mempertahankan Diri	5
3.1 Asal Usul Silat	5
3.2 Syarat-syarat Silat	5
3.3 Guru Silat	7
3.4 Ikrar Sumpah Dan Taat Setia	7
3.5 Pantang Larang	8
3.6 Adab	9
3.7 Gerak Langkah	10
3.8 Amalan Dalam Silat	11
3.9 Pengijazahan	12
3.10 Matlamat Silat	12
4. Penutup	13

KATA PENGANTAR

Bismillahir Rahmanir Rahim

Assalamualaikum wr. wb.

Syukur kehadiran Allah S.W.T kerana Jabatan Kemajuan Islam Malaysia, berjaya menerbitkan buku Garisan Panduan Silat Menurut Islam sebagai panduan kepada semua pihak yang terlibat dalam seni mempertahankan diri di negara ini.

Memandangkan seni mempertahankan diri adalah salah satu daripada warisan bangsa, ia dianggap sebagai suatu ilmu yang perlu dipertahankan oleh segenap generasi dari satu zaman ke satu zaman. Walau bagaimanapun sebagai salah satu daripada usaha untuk memurnikan seni mempertahankan diri daripada bercampur baur dengan unsur-unsur yang menyeleweng sama ada akidah, syariat atau akhlak maka sudah sewajarnya garis panduan yang disediakan ini diharapkan dapat dijadikan asas rujukan supaya pengamalan seni mempertahankan diri khususnya silat di negara ini tidak menyimpang dari ajaran Islam yang sebenar.

Justeru itu, kerjasama semua pihak untuk mematuhi garis panduan ini amatlah diharapkan demi memelihara kesucian dan keagungan agama Islam.

Sekian. Wassalam.

DATO' HAJI OTHMAN BIN MUSTAPHA
Ketua Pengarah, Jakim

GARIS PANDUAN SILAT MENURUT ISLAM

1. TUJUAN

1.1 Garis panduan ini disediakan untuk dijadikan panduan kepada umat Islam khususnya mereka yang terlibat dengan amalan seni mempertahankan diri tradisional (silat) supaya terhindar dari amalan yang bertentangan dengan akidah dan syariat Islam yang sebenar.

2. PENDAHULUAN

2.1 Islam amat menitikberatkan soal-soal akidah dan syariah. Segala amalan dan kepercayaan yang tidak berdasarkan kepada sumber-sumber asal Al-Quran, Hadis, Ijmak dan Qias adalah ditolak. Kepercayaan-kepercayaan dan amalan-amalan tertentu dalam masyarakat Islam di Malaysia sedikit sebanyak ada hubungkaitnya dengan pengaruh fahaman Anamisme, Dinamisme, Hindu, Buddha dan Syariah (Ghulu) yang sebahagiannya telah menjadi darah daging kepada pengamal suci mempertahankan diri tradisional (silat). Oleh itu garis panduan ini perlu dijadikan asas dan panduan supaya dapat mengelakkan diri dari terjerumus ke dalam penyelewengan akidah dan syariat Islam.

Allah berfirman dalam Surah Yunus, ayat 106:

وَلَا تَدْعُ مِنْ دُونِ اللَّهِ مَا لَا يَنْفَعُكَ وَلَا يَضُرُّكَ
فَإِنْ فَعَلْتَ فَإِنَّكَ إِذَا مِنَ الظَّالِمِينَ ﴿١٠٦﴾

Bermaksud:

“ Dan janganlah kamu menyembah apa-apa yang tidak memberi manfaat dan tidak (pula) memberi mudharat kepadamu selain Allah; sebab jika kamu berbuat (yang demikian) itu, maka sesungguhnya kamu termasuk orang-orang yang zalim”.

- 2.2 Dalam sejarah Islam memang wujud pahlawan-pahlawan yang terkemuka di kalangan para sahabat Rasulullah s.a.w. Mereka telah berjuang menentang Musyrikin Quraisy dan penentang-penentang ajaran Islam dari kalangan Munafikin. Antara sahabat berkenaan ialah Saidina Ali, Khalid Ibnu Walid, Amru b. As-As, Abu Ubaidah b. Al-Jarrah, Saad b. Abi Waqas dan lain-lain lagi. Didalam Al-Quran didapati banyak ayat-ayat yang menunjukkan bahawa perlunya umat Islam mempersiapkan diri dan kelengkapan senjata serta kemudahan-kemudahan yang perlu untuk mempertahankan agama, diri dan negara. Antaranya ayat 61 surah Al- Anfaal:

وَإِنْ جَنَحُوا لِلسَّلَامِ فَاجْنَحْ لَهَا وَتَوَكَّلْ عَلَى اللَّهِ
إِنَّهُ هُوَ السَّمِيعُ الْعَلِيمُ ﴿٦١﴾

bermaksud:

“Dan jika mereka (pihak musuh) cenderung kepada perdamaian, maka engkau juga hendaklah cenderung kepadanya serta bertawakallah kepada Allah. Sesungguhnya Ia Maha Mendengar, lagi Maha Mengetahui”

2.3 Di dalam ilmu persilatan terdapat beberapa syarat yang perlu dipatuhi sama ada ketika hendak masuk silat, setelah masuk atau selepas tamat dan diijazahkan. Di antara syarat-syarat tersebut:

- (a) menyediakan pengeras seperti pulut kuning, limau purut, kain putih, bayaran pengeras dan sebagainya.
- (b) mandi dengan air mandian tertentu sebagai lambang membersihkan segala kekotoran zahir dan batin.
- (c) Tidak boleh meninggalkan sembahyang.

- (d) tidak boleh banyak bertanya ketika guru sedang mengajar atau mempersoalkan sebarang tindakan guru.
 - (e) melakukan gerak silat membuka atau menutup gelanggang setiap kali memula atau menamatkan latihan silat.
- 2.4 Guru memainkan peranan penting di dalam menyampaikan sesuatu ilmu bagi menjamin kesahihan dan kesempurnaan ilmu tersebut. Di dalam ilmu persilatan, guru adalah lambang kesempurnaan.
- 2.5 Sesuatu seni mempertahankan diri tradisional (silat) itu perlulah didasarkan kepada garis panduan berikut bagi mengenalpasti ianya terhindar dari perkara-perkara yang bercanggah dengan syariat Islam:
- (a) Asal Usul Silat.
 - (b) Syarat-Syarat Silat.
 - (c) Guru Silat.
 - (d) Ikrar Sumpah dan Taat Setia.
 - (e) Pantang Larang
 - (f) Adab
 - (g) Gerak Langkah
 - (h) Amalan Dalam Silat.
 - (i) Pengijazahan
 - (j) Matlamat Silat

3. GARIS PANDUAN SILAT DAN SENI MEMPERTAHKAN DIRI

3.1 Asal-Usul Silat.

3.1.1 Demi menjaga kesucian akidah Islam, beberapa perkara perlu diambil perhatian iaitu setiap individu atau kumpulan tidak boleh mendakwa bahawa:

- (a) Silat mereka bersumber dari Nabi Muhammad s.a.w., para anbia atau diambil dari Al-Quran dan Hadis atau berasal dari amalan para sahabat Nabi s.a.w.
- (b) Teknik atau pergerakan persilatannya berasal dari ibadat-ibadat tertentu seperti rukun-rukun sembahyang.
- (c) Seni silat mereka bersumberkan mimpi bertemu Rasulullah s.a.w. atau para anbia yang lain atau para sahabat serta ulama.

3.2 Syarat-syarat Silat

3.2.1 Bagi memastikan syarat-syarat di dalam ilmu persilatan tidak bercanggah dengan ajaran Islam maka:

- (a) Semua perkara yang wajib dilakukan atau ditinggalkan oleh seorang Islam yang mukallaf tidak boleh dijadikan syarat di dalam silat seperti sembahyang, puasa, jangan durhaka kepada ibubapa, sehingga mendatangkan anggapan bahawa perkara wajib tersebut menjadi wajib hanya apabil dijadikan syarat.

- (b) Tidak boleh mengaitkan sesuatu pengeras dengan suatu akibat yang dipercayai boleh merosakkan pegangan akidah.
- (c) Tidak boleh percaya kepada sial seperti mandi membuang sial atau mandi-mandi tertentu yang dikaitkan dengan persilatan.
- (d) Tidak boleh melakukan gerak silat atau bacaan tertentu yang mengandungi unsur-unsur meminta izin atau bantuan dari kuasa-kuasa makhluk “ghaib” dalam acara “gerak membuka atau menutup gelanggang”, “ayat kebal” atau “pukulan angin maut” atau sembelih ayam dalam gelanggang.
- (e) Tidak boleh mentaati guru atau seseorang pada perkara-perkara yang jelas bercanggah dengan akidah dan syariat Islam.
- (f) Sebarang syarat yang bertentangan dengan akidah, syariah dan akhlak Islam.

3.3 Guru Silat

3.3.1 Guru silat yang beragama Islam hendaklah bukan terdiri daripada:

- (a) mereka yang melakukan perkara-perkara syirik, sama ada melalui perkataan, perbuatan atau iktikad.
- (b) mereka yang melakukan maksiat/jenayah dan yang bertentangan dengan moral.
- (c) pemecah belah masyarakat.
- (d) mereka yang mentafsir ajaran agama Islam mengikut hawa nafsu.

3.3.2 Jika seseorang guru silat hendak melibatkan diri dalam hal agama hendaklah mengetahui asas-asas agama Islam sama ada fardhu ain atau fardhu kifayah seperti rukun Islam, rukun Iman, cara mengerjakan sembahyang dan sebagainya.

3.3.3 Guru silat dilarang memasukkan atau menggunakan unsur-unsur yang bercanggah dengan Islam seperti sihir dan ilmu kebal di dalam ilmu persilatan.

3.4 Ikrar Sumpah Dan Taat Setia

3.4.1 Sumpah tidak dibolehkan sebaliknya hanya ikrar.

3.4.2 Murid-murid tidak boleh taat secara membuta tuli kepada guru. Mereka hendaklah mengikut perintah guru selama tidak bercanggah dengan perintah Allah.

- 3.3.1 Sumpah tidak boleh digunakan kepada perkara-perkara yang telahpun diwajibkan di dalam Islam seperti bersumpah akan taat kepada ibubapa, bersumpah akan taat kepada Allah dan Rasul dan sebagainya.
- 3.3.2 Bacaan-bacaan, amalan dan ikrar yang terdapat di dalam sumpah hendaklah mengandungi perkara-perkara yang tidak bercanggah dengan akidah dan syariat Islam seperti memuja dewa, atau nama berhala.
- 3.3.3 Di dalam upacara sumpah dan bai'ah sama ada dari segi fizikal atau mental hendaklah tidak mempunyai unsur-unsur yang mensyirikkan Allah dan menjatuhkan maruah seseorang sebagai umat Islam.

3.4 Pantang Larang

- 3.4.1 Suatu pantang larang hendaklah bukan daripada perkara-perkara yang jelas diwajibkan di dalam Islam seperti tidak meninggalkan sembahyang, jangan berkelahi sesama ahli dan sebagainya.
- 3.5.2 Suatu pantang larang tidak boleh dikaitkan dengan unsur-unsur pemujaan, meminta izin, perlindungan atau bantuan daripada makhluk-makhluk ghaib seperti larangan berludah kerana ditakuti ilmu tidak menjadi.

3.5.3 Tidak boleh mematuhi kehendak pantang larang sehingga melakukan perkara-perkara yang ditegah di dalam Islam seperti meninggalkan tanggungjawab sebagai suami atau isteri dan sebagainya.

3.5.4 Perkara-perkara yang harus dan halal tidak boleh dihukumkan haram.

3.6 Adab

3.6.1 Adab Murid Dengan Guru:

- (a) Guru tidak boleh menganggap dirinya yang paling mulia dan tidak pernah bersalah.
- (b) Guru hendaklah mengelakkan diri dari dianggap orang yang perlu ditaati secara mutlak.
- (c) Guru tidak boleh menggap orang lain lemah dan lekeh.
- (d) Guru hendaklah melarang murid-muridnya memuja, mengagung dan taksud kepadanya.

3.3.2 Adab Sesama Murid Seperguruan:

- (a) Seseorang murid tidak boleh memberikan hak secara khusus kepada murid seperguruannya sahaja, seperti memberi ucapan salam, tidak boleh bergaduh sesama ahli dan sebagainya.

- (b) Seseorang murid tidak boleh menanam atau mengapi-apikan perasaan bangga diri dan taksub kepada kumpulannya sehingga memandang hina dan negatif kepada orang lain.

3.6.3 Adab Murid Dengan Orang Lain.

- (a) Seseorang murid tidak boleh mengutamakan guru silat dan murid-murid seperguruanannya sehingga mengabaikan hak dan kewajibannya kepada ibubapa, suami, isteri, anak dan ahli keluarga.
- (b) Seseorang murid tidak boleh memandang rendah dan hina terhadap orang bukan dari kalangan ahli silatnya.
- (c) Seseorang murid yang beragama mesti menjalinkan ikatan persahabatan sama ada sesama ahli atau orang lain.

3.7 Gerak Langkah

- (a) Gerak langkah silat tidak boleh dikaitkan dengan zat Allah dan sifat-sifatNya atau merupakan maksud di sebalik kalimah atau nama-nama Allah atau sifat-sifatNya.
- (b) Gerak langkah silat tidak boleh diertikan sebagai maksud yang tersirat daripada diri atau jasad Rasulullah s.a.w., para malaikat, nabi-nabi dan orang soleh.

- (c) Gerak langkah silat tidak boleh dimaksudkan dengan perkara-perkara yang berkaitan dengan agama Islam atau perlakuan-perlakuan ibadat yang tertentu seperti dua kalimah syahadah dan sembahyang.

3.8 Amalan Dalam Silat

- (a) Tidak boleh memuja dan memperhambakan diri kepada sesuatu kuasa atau peribadi yang boleh mendatangkan nasib baik atau buruk kepada seseorang seperti hantu, dewa, keramat, kubur, keris, busut dan sebagainya.
- (b) Tidak boleh menggunakan tangkal dan azimat yang mengandungi rajah-rajah atau tulisan-tulisan yang tidak difahami, objek-objek tertentu dan bercampuraduk dengan ayat Al-Quran.
- (c) Tidak boleh mengamalkan bacaan-bacaan tertentu yang tidak difahami maknanya dikhuatiri mengandungi kata-kata pemujaan kepada berhala, iblis, syaitan atau nama berhala orang kafir serta bercampur aduk dengan ayat Al-Quran.
- (d) Tidak boleh meninggalkan ibadat-ibadat wajib yang dituntut di dalam Islam seperti sembahyang lima waktu dan puasa di bulan Ramadan ketika melakukan amalan silat.

3.9 Pengijazahan

- (a) Tidak boleh melakukan isyarat sembah atau gerak tubuh yang melambangkan ketundukan yang menyamai atau melebihi ketundukan yang hanya layak kepada Allah sahaja seperti tunduk sembah kepada guru.
- (b) Tidak boleh melakukan upacara-upacara yang mengandungi unsur-unsur penyembahan, pemujaan, memohon bantuan atau memperhambakan diri kepada kuasa-kuasa atau tenaga-tenaga ghaib seperti mempersembahkan sedulang makanan, menyembelih ayam dan sebagainya.

3.10 Matlamat Silat

- (a) Matlamat silat hendaklah matlamat yang baik seperti untuk kesihatan tubuh badan, mendisiplinkan diri, hidup bermasyarakat, untuk mempertahankan diri dari bahaya dan sebagainya.
- (b) Matlamat silat tidak boleh:
 - (i) Untuk membalas dendam, menuntut bela, membuat aniaya, menakut-nakutkan dan mengugut orang lain.

- (ii) Untuk menanam sifat berani yang keterlaluan sehingga hilang hormat kepada ibubapa, guru, ahli keluarga dan lain-lain.
- (iii) Untuk memupuk sentimen perkauman atau taksub golongan/kumpulan ekstrim agama yang melampau di kalangan ahli.

4. PENUTUP

Dengan mengikuti garis panduan ini diharapkan para pengamal silat dan seni mempertahankan diri supaya dapat menghindarkan diri menyimpang daripada ajaran Islam yang benar, agar hidup sentiasa dirahmati Allah s.w.t.

Jabatan Kemajuan Islam Malaysia.

